



Scientia Sanctorum

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

Puente, Luis de la

Dilingæ, 1685

11. De sermone Domini in monte.

[urn:nbn:de:hbz:466:1-60561](https://nbn-resolving.org/urn:nbn:de:hbz:466:1-60561)

Matt. 21 12. tus, quæ est timoris. In secunda autem lex gratiæ, quæ est amoris. In prima dixit. *Nolite facere domum Patris mei, domum negotiationis*; in secunda autem. *Vos fecistis illam speluncam latronum*, est domus negotiandi, sed cum Deo; speluncam latronum, quòd in negotiando plerùmque fraudes fiant. In prima *ejecit negotiantes percora, & subvertit mensas*, in secunda non sinebat, ut vel quispiam transferret vas per templum.

Marc. 11. 16. Anima mea debet ipsa orationis esse domus, quam ingrediens, *Orabo Patrem in abscondito, & qui vidit in abscondito, reddet mihi*. Hoc oratorium nobiscum ferimus. *Volo viros orare in omni loco, levantes puras manus, sine ira & discipulatione.*

Sit munda. Absit ab hac domo negotiatio prophana, & tumultus passionum, nec non cupiditas & avaritia. Universè sit munda à culpis, quieta à perturbationibus, ornata virtutum exercitationibus. Quis oret in Ecclesia quæ sordet, & tumultus est plena? Domine sume zelum, & ejice ex me, quidquid officit domui tuæ, templo tuo.

MEDITATIO XI.

*De sermone Domini in monte habito.
De octo Beatitudinibus, pars prior.*

PUNCTUM PRIMUM.

TRiplex Christi munus in hoc sermone. *Munus est Doctoris, in quo sunt omnes thesau-*

1.
Christus
Col. 2.3.

vi, sapientia & scientia Dei, qui non docet curiosa, & inutilia, sed scientiam salutis. Legislatoris, qui legem veterem declarat adversus depravationes Pharisaicas, & adjicit, quod minus erat in illa expressum. Consilarii, qui suadet optima, & perfecta, super debitum legis. 2. Hoc triplex munus exercet excellenter, quia non exterius tantum docet, sed intus etiam illuminat; non præcipit tantum, sed movet ad implendum, quod melius est. 3. Non olim tantum, sed etiam nunc eadem præstat, non quoad exterius ministerium, sed quoad internam illuminationem, motionem, & inspirationem. Domine esto mihi Doctor! *Declaratio sermonum tuorum illuminat & intellectum dat parvulis.* Esto legislator, da quod jubes, & jube, quod vis, esto consiliarius. *Trabe me post te, curremus in odorem unguentorum tuorum.*

2.
Doctr.,
illumi-
nat, mo-
ver.
3.

Ps. 18.
30.

PUNCTUM. II.

De ipsis Beatitudinibus generatim.

Quod hæ virtutes sunt veteres & novæ, veteres quidem, quia semper ita res habuit, ut tales essent beati, alii contra miseri; novæ autem, quia latebant, & parum erant exercitæ, donec eas Christus verbo & exemplo commendavit. Deinde sunt carni amaræ, Spiritui autem salutares, instar myrrhæ, quæ cum sit amara, servat à corruptione, ut hic conveniat illud Christo, *Labia tua distillantia myrrham primam*

1.
Acerbæ.

Cant. 5.
13.

2. Quod Christus ab his tebus vocarit homines

2.

Mundo
contra-
riæ.

3.
Octo
gradus
in cœ-
lum.

beatos, contra mundi sensum qui felicitatem
contrariis ponit, in his verò miseriam. 3. Quo
sint, quasi totidem gradus conscendendi ad per-
fectionem, & in ipsum cœlum. Circa singu-
las autem considerari debent ista. *Primò*, ip-
si actus virtutis. *Secundò*, Exemplum Christi.
Tertiò, præmium promissum. *Quartò*, pœna
ex contrario.

PUNCTUM III.

Beati pauperes spiritu, quoniam &c..

1.
Pauper-
tatis a-
ctus 5.

1.
2.
3.

4.

Pf. 72.
25.

5.

II.
Christus
exercuit
hos a-
ctus.

Actus hujus paupertatis numerantur quinque. 1. Pauper spiritu est, qui affectu paratus est omnia potius perdere, quàm Deum offendere. 2. Qui Spiritu divino impulsus, reliquit omnia, ut Christum sequatur vocantem. 3. Qui spiritu non est inflatus, non alta sapit, de se suisque talentis præsumens, nec æstimationis apud homines, laudis gratiæ honorisque est appetens, sed contemptor. 4. Qui non his tantùm externis seipsum exuit, sed internis quodammodo naturæ facultatibus, iudicio & voluntate, suum iudicium facile submittens, ac facile aliis cedens, nullis etiam affectibus ac desideriis distentus, ut verè dicat; *Quid mihi est in cœlo, & à te quid volui super terram?* 5. Qui intimè agnoscit, quidquid tandem habet naturæ aut gratiæ, dona esse Dei, nec ex seipso habere aliud, quàm nihilum naturæ, id est, non esse, & nihilum gratiæ, quod est peccatum. II. Exemplum Christi, quoad primum actum. Quam Christus abfuit

abfuit ab hoc affectu, qui sic studuit cupiditatem evellere è cordibus nostris! Quoad 2. re-
 ipsa amplexus est paupertatem, ut ex tota ejus vi-
 ta apparet. Quoad 3. non tumuit spiritu, qui
 non suam, sed Patris gloriam quærebat, & qui
 dicebat. *Si ego quero gloriam meam, gloria mea
 nihil est, & Discite à me, quia humilis sum.* Quo-
 ad 4. propria se voluntate exuerat, qui dicebat.
*Non ut faciam voluntatem meam sed Patris; Et
 Non mea voluntas, sed tua fiat. Et, Mens cibus
 est, ut faciam voluntatem Patris.* Quoad 5. pro-
 fitebatur, nihil se posse facere à semetipso, nisi
 quod vidisset Patrem facientem: Et, *Mea do-
 ctrina non est mea, & Cur me dicis bonum? nemo
 bonus, nisi solus Deus, Ille solus ex proprio bo-
 nus, cæteri ex alieno: ex se autem nihil.* III. Præ-
 mium. *Quoniam ipsorum est regnum cælorum.*
 Beatitudo cœlestis est summum, & omne bo-
 num, ideo per varia bona, quæ apud mortales
 præcipua habentur, declaratur, inter quæ est ip-
 sum regnare. Et quadrat peculiariter paupe-
 ribus Christi, ut intelligatur, quanto cum scœ-
 nore Deus refundat quod propter ipsum reli-
 ctum est: *Elevans de terra inopem, ut colloquet
 eum cum principibus populi sui.* Deinde etiam
 in hac vita pauper spiritu fruatur hoc regno per
 spem, & prægustationem illius boni, qua semet
 solatur, & confortat. Præterea, quia recte Pau-
 lo. *Regnum Dei est iustitia, & pax, & gaudi-
 um in Spiritu Sancto, quæ pauper spiritu etiam
 nunc percipit.* 4. Pœna ex contrario: *Va vobis*

1.
2.
3.
10. 8. 54.
Matt II
29.
4.
10. 6. 38.
Luc. 22.
42.
10. 4. 34.
10. 5. 19.
10. 7. 16.
Luc. 18.
19.
III.
Paupe-
rum be-
atitudo,
ps. 122.
8.
Spescer-
ta cœli.
Rom. 14
17.
4.

Pena. *Luc. 6.* *24.* *divitibus, qui nunc habetis consolationem vestram, quia non extenditur ultra momentum vitæ præsentis. Deinde his memoria mortis amara est; quippe cor habentibus in terra, ubi est thesaurus illorum, non in cælo, quo vix adspirant. Denique consolatio illorum multis acerbitatibus mixta est, quippe non in Spiritu Sancto.*

Beati mites, quoniam ipsi possidebunt terram.

PUNCTUM IV.

1. *Actus mansuetudinis tres.* *1.* *1.* *2.* *3.* *2.* *Christus mansuetus.* *If. e. 41.* *Mat. 11.* *29.* *3.*

Actus sunt tres. *Primus* frænatur iram, & appetitum vindictæ, & cum zelus sumentus est, facit absque conturbatione interna & externa. *Secundus* alloquio & moribus se exhibet suavem, nec ulla re, aut verbo gravem & molestum. *Tertius* adeo non quærit vindictam de accepto malo, ut nec pro justa sui defensione ad repellendum nocere velit, quando etiam liceat, & valeat, paratus potius alteram maxillam præbere. *2.* *Exemplum Christi:* Nam de illo *Isaias:* *Non erit tristis, neque turbulentus, non clamabit, neque audietur vox ejus foris; calamus quassatum non conteret, & lisum fumigans non extinguet.* Et *S. Petrus:* *Cum malediceretur non maledicebat; cum pateretur non cominabatur: tradebat autem judicanti se injustè.* Et ipse de se: *Discite à me, quia mitis sum & humilis corde.* *3.* *Premium, quoniam ipsi possidebunt terram, terram cordis sui, quippe affectibus suis dominantes. Item corda aliorum: nam, qui opera sua in*

man-

mansuetudine perficiunt, super hominum gloriam possident a-
 diligentur. Denique terram viventium heredi-
 tabunt. Ita describitur beatitudo tanquam bo-
 num stabile. Terra enim in aeternum stat, quasi
 dicat: Licet mansueti per injuriam spolientur
 præteritis bonis, manet illos inamissibilis pos-
 sessio in cœlis, cujus intuitu nihil morantur
 præsencia damna, vel injurias: sed immoti &
 æquabiles, tanquam cœlo fixi perseverant
 è contrario immites sunt imprimis impoten-
 tes sui, ac suarum passionum servi. Deinde in-
 grati & exosi aliis. Demum, quia ad terram il-
 lam non applicuerunt cor suum, fluctibus turba-
 tionum jactantur, cum nunquam desint adver-
 santia.

Beati qui lugent, quoniam ipsi consolabuntur.

PUNCTUM V.

1. **E**st triplex luctus. 1. Compunctionis ob
 offensum à me Numen, & propensionem
 ad peccandum: *Infelix ego homo! quis me li-*
berabit de corpore mortis hujus? 2. Compassio-
 nis super multitudine peccatorum, & pereunti-
 um. 3. Devotionis, ob absentiam Dei, ejusque
 desiderium. Porro luctus consistit non in mœ-
 rore solùm animi, sed in recusatione delectabili-
 um, juxta illud. *Risum reputavi errorem, &*
gaudio dixi, quid frustra deciperis? hoc præ-
 stant ex instituto Religiosi, abdicantes se mun-
 di solatiis, nisi ea, obliti vocationis suæ, aliquan-
 do resumant. 2. Exemplum Christi, nunquam

S 4

rific,

Possi-
 dent a-
 nimas.
 Eccl. 3.
 19.
 ps. 38.
 9.
 Eccl. 1.4

4.
 Immi-
 tium
 damna.

1.
 Aetus
 beatifl-
 tus tres.
 Rom. 7.
 24.

Eccl. 2.2

2.

Christi fletus. 3. Præmi-um solatium. 4. Pœna risus. Luc. 6. 25. Prov. 14. 13. Apoc. 18. 7.

rifit, flevit sæpius, & usque ad sanguinis sudorem luxit, & nihil minùs, quàm oblectamenta quaerivit. 3. Præmi-um quoniam ipsi consolabuntur, Beatitudo est quoddam solatium, quod funditus omnes luctus causas tollit. Ibi extra omnem peccati aleam erimus, ibi desideratum, ac summum bonum plenè, & inamissibiliter possidebitur, & post universale iudicium, peccari regnum penitus delebitur, illius membris æterno igni addictis, super quo Beati Deum laudabunt, & gaudebunt de justa vindicta, non amplius compatientes. 4. Pœna gaudentium nunc. *Va vobis, qui ridetis nunc, quia lugebitis & flebitis. Risus dolore miscebitur, & extrema gaudii luctus occupabit: Ibi erit fletus & stridor dentium. Quantum glorificavit se, & in deliciis fuit, tantum date illi tormentum & luctum, quia in corde suo dixit, sedeo Regina, & luctum non videbo.*

Beati qui esuriunt & sitiunt iustitiam, quoniam ipsi saturabuntur.

PUNCTUM VI.

1. Actus iustitiæ famis. 1. Iustitiæ nomine intelligitur, tum habitualis qua sanctificamur; tum actualis, quæ constat operibus omnium virtutum, & denique ipsa salus animæ nostræ, & inchoata nunc, & in cælo perficienda. Actus sunt, 1. magno affectu cupere omne debitum implere virtutis. 2. Amplius adspirare ad id quod perfectum est in omni iustitia & sanctitate. 3. Esurire & sitire Christum ipsum,

ipsum, qui est nostra justitia, optando & ei uni-
 tum corporaliter in Sacramento, tum spiri-
 tualiter, per fidem vivam, & intimum gustum
 divinarum consolationum. 4. Anhelare ad per-
 fectam justitiam patriæ, ubi, viso Deo, anima
 plenè transformatur in similitudinem illius, 2.
 Exemplum Christi, cui cibum erat facere volun-
 tatem Patris & mori pro illius gloria, & salute
 nostra. *Baptismo habeo baptizari, & quomodo*
coarctor? Et in cruce, *Sitio* 3. Præmium, quo-
 niam ipsi saturabuntur, tum in hac vita meritis
 & justitia aucti, divinisque consolationibus assi-
 duè affecti: tum in vita, altera, ubi plenè satu-
 rati, cùm apparuerit gloria Dei. 4. Oppositum,
Va vobis! qui saturati estis, quia esurietis. Satu-
 rati à cibo & potu, oblectamentis vitæ præsen-
 tis; & qui nunc expletis cupiditates vestras,
 quia esurietis, ut ille, qui petebat guttam aquæ,
 & negabatur ei, justo nimirum judicio, *& divi-
 tes dimisit inanes.*

4.

II.

Fames
& sitis
Christi.
Luc. 12.

15.

III.

Præmi-
um.

IV.

Pœna.
Luc. 6.

26.

Luc. 1,

53.

*Beati misericordes, quoniam ipsi misericor-
 diam consequentur.*

PUNCTUM VII.

I.

Miseri-
cordiæ

1. **A**ctus sunt ipsa misericordiæ opera, tum
 corporalia, tum spiritualia, circa quæ ob-
 servandum. 1. Ut nemo excludatur, neque ini-
 micus. 2. Ut in omni occasione exhibeatur, pro
 facultate; & cum quis per se nequit, per alios,

opera
Circum-
stantiæ,

1.

2.

S 3

& à

3. & à Deo saltem petat misero auxilium. 3. U
 II. ex affectu interno commiserationis succurrat. plu
 2. II. Exemplum Christi, *Qui pertransit benefa-* mic
 Christus *ciendo & sanando omnes oppressos à diabolo.* sug
 Act. 10. *dicebat: Discite, quid est, misericordiam volo &* mè
 38. *non sacrificium.* Et hortabatur. *Estate miseri-* ris
 Mat. 9. *cordes Habemus Pontificem, qui possit compati in-* lun
 13. *firmatibus nostris, tentatum per omnia.* un
 Luc. 6. *III. Præmium. Quoniam ipsi misericordiam* sen
 36. *consequentur, tum in hac vita, tam in corpore,* aff
 Heb. 4. *quàm anima; tum in altera perfectè, quoad* Q
 15. *utrumque. Et quidem, quâ mensurâ mensi fueri-* vit
 Præmiū. *tis, remetietur vobis. Beatitudo cœlestis est* ne
 Luc. 6. *summa, & omnis misericordia.* lis
 38. *IV. Oppositum. Nanne oportuit misereri con-* da
 IV. *servi tui? sicut ego tui misertus sum? mittite enim* ib
 Pœna. *Matt. 18, in tenebras exteriores. Iudicium sine misericordia,*
 33. *Et illi qui non fecit misericordiam. Ex operibus*
 2. 13. *misericiordiæ judicabitur mundus, sive omissis,*
 Jac. 2. 13 *sive exhibitis.*

*Beati mundo corde, quoniam ipsi Deum
videbunt.*

PUNCTUM VIII.

- I. Puritas. cordis. I. Tim. 1. 5. I. **M**undities hæc est charitas perfecta, cui
 Min sint illa tria ex Paulo. *De corde puro*
 experte peccati mortalis & venialis, saltem quo-
 ad affectum & habitationem. Et *Conscientia*
bona. Sanctis cogitationibus & affectibus plena
 absterfis contrariis. *Et fide non ficta,* ut qui ser-
 vit Deo non simulatè, aut videri volens, & ea-
 dem

dem sinceritate erga homines utitur. 2. Exem-
 plum Christi, qui nec peccare potuit, nec ab ini-
 micis argui de peccato: in quem Sathan nec per
 suggestionem aliquid potuit: qui fictos maxi-
 mè odivit. *Vae vobis, qui mundatis, quod defo-*
ris est. Denique est *candor lucis aeterna specu-*
lum sine macula & imago bonitatis. 3. Præmi-
 um, quoniam ipsi Deum videbunt. Hæc est es-
 sentialis Beatitudo. In præcedentibus ex aliquo
 affectu iudicabitur hic ex ipsa essentiali ratione.
Quis ascendet in montem Domini? innocens ma-
nibus & mundo corde. 4. Oppositum: *Foris ca-*
nes & venefici, & impudici, & homicida, & Ido-
lis servientes, & omnis, qui amat & facit men-
dacium: nihil enim coinquinatum illuc intro-
 ibit.

Beati pacifici: quoniam filii Dei voca-
buntur.

PUNCTUM IX.

1. **P**acificus est fovens pacem. 1. In seipso, ut
 caro spiritui, passiones rationi, hæc Deo
 consentiat & subjaceat. 2. Erga alios, juxta A-
 postolum. *Quod ex vobis est, cum omnibus pa-*
cem habentes. 3. Inter alios, ut inter se pacem
 servent. 4. Ut cum Deo reconcilientur ope-
 rando. *Hæc est pax, quæ exsuperat omnem sen-*
sum. 2. Exemplum Christi, qui è cælo venit, ut
 hanc pacem nobis daret, ideòque vocatur Rex
 pacificus. Hanc solitus precari suis, hanc jus-
 sit,

2.

Christus

Matt 25

25.

Sap. 7.

26

3.

Præmiū.

Psf 123.

3.

4.

Apoc. 22

15.

1.

Actus

pacifico-

rum quas

tuor.

Rom. 12.

18.

Phil 4, 7

fit, ut precarentur quocunque irent. Denique per sanguinem suum pacificavit omnia : *sive*
Col. 1. 20 *qua in terris, sive qua in caelis sunt.* 3. Præmium:
 3. *Præmiū.* *quoniam filii Dei vocabuntur.* Specialiter tunc
 habebuntur filii, & peculiariter pro talibus tra-
 ctabuntur, & tandem copiosam hæreditatem,
 ut singulariter dilecti filii consequentur.

*Beati, qui persecutionem patiuntur propter justiti-
 am : quoniam ipsorum est regnum
 cælorum.*

PUNCTUM X.

1. **C**onsidera quatuor. 1. Quæ sit persecutio:
 Persecu- **C**omne genus incommodi. 2. A quo infe-
 tiones. ratur: à diabolo, odio virtutis, & ab hominibus
 ejus administris, nec ab alienis tantum, sed à do-
 mesticis, & fratribus. 3. Non ob culpam sed
 1. *Pet. 4.* propter virtutem. *Nemo vestrum patiat, ut*
 15. *Act. 5.* *homicidia, aut fur, aut maledicus : si autem ut*
 41. *Christianus, non erubescat, sed glorificet Deum*
in isto nomine. 4. Modus ferendi patienter &
 gaudenter, *quia dignus habitus ei pro nomine*
 2. *Dei contumeliam pati.* 2. Exemplum Christi
 Exemplū **E**ximum secundum illa quatuor. 3. Præmium
 Christi. *Quoniam ipsorum est Regnum Cælorum : Et*
 3. *Gaudete & exultate, quoniam merces vestra co-
 piosa est in cælo.* Indicatur præ aliis copiosius mu-
 nerandos, & spe tantæ remunerationis merito
 gaudendum in malis, quia tantum afferunt bo-
 num. 4. Oppositum: *Væ! cum benedixerint*
Luc. 6. *vobis homines.*

MEDITATIO XII.

De triplici munere Apostolico, purgandi,
illuminandi, & perficiendi.

Secunda pars Sermonis.

PUNCTUM PRIMUM.

DE munere purgandi. 1. *Vos estis sal terræ.* 1.
Sed valet contra corruptionem, & cibos SAL.
salubres; sapidosque facit. Sal ergo est terræ, qui *Mat. 5.*
homines à peccatis vindicat & purgat, eisque ^{13.}
studium pœnitentiæ; ac virtutis reddit suave, ac *Cibos*
per hoc ipsosmet homines palato Dei sapidos, *condit.*
gratosque facit. Istud præstare nequit, nisi sa-
pientia & gratiâ à Deo acceptâ; per quas ipse
fiat sal: Debet autem priusquam alios purget &
condiat, talem seipsum reddere, quales vult a-
lios facere. 2. Exemplum Christi, qui ut pur- ^{2.}
gationem peccatorum faceret, oblatus est, & per *Christus*
tempus prædicationis tam instanter incubuit, ut *Sal.*
à peccatis homines abduceret. 3. Pœna neglecti
muneris. *Quod si sal evanuerit, in quo salietur?* ^{3.}
ad nihilum valet ultra, nisi ut mittatur foras, & *Pœna.*
conculcetur ab hominibus. Potest dupliciter
intelligi, vel si ipse in se evanuerit, ut non sit ta-
lis, quales vult alios facere, vel si omiserit se
exhibere sal aliis, licet alioqui se non neglexe-
rit: necessitas enim incumbit saliendi viro A-
postolico.

PUN-